

湘

瑟

詞

湘瑟詞卷之三

申浦錢芳標菀紋篋

祝英臺近

納涼

玉杵收蘭沐罷。池館樹烟暝。月動雲鱗。皺出半規影。悄  
然十二欄邊。兩重門裏。訝誰把香肩偷僉。短簫靜多  
情一點流螢坐。愛素裙映瓊腕。牽絲休傍碧梧井。怕他  
露蘚沾鞦。浮瓜濺齒。夜闌後粟侵肌冷。

瑤花

閨端陽

甌蒲再斲。戶艾重懸。不啻黃楊短。依然競渡。賺玉樓仍  
捲湘簾三面。剩絲殘縷。羨繚繞頻畱雙腕。挂小釵符樣  
新翻。尙與健康同頤。天應解念靈均。受願頌經年。更

許良宴蛟涎水底。渾不料此日菱添箭換。迎神簫鼓續  
妙句。娥江休嬾隔。畫橋含雨。葵榴況比前番紅綻。

桂枝香

渡青申浦用  
瞿宗吉韵

零風碎雨。漸洗淨曉空。吹散絳暑。柳外蝦鬚蘸影。鴨頭  
平渚。忘機浴鷺如相識。任中流棹歌齊舉。白沙村靜。青  
帘市遠。待潮聊作。把上客章華細數。笑珠履紛紛肝  
膽空。詐白髮斜陽釣。曳羈圖誰語。楚江似帶年年。在在  
無邊。烟月天與不如。乘醉輕簑。短笛伴他菱女。

八犯玉交枝

存野兄作破窗詞  
最佳戲和此調

幾扇紅蕙。數條碧界。不鎖去春梨夢。猶記如烟停織處。  
密約紛紛。紆曾共。風驕雨縱。把玉女明妝。飄蕭吹綻。畱仙

縫分付曉鐘。蟲撲晴簷蜂弄。夕陽有意最憐小詩。誤  
誦蟾痕還更飾。動酒醒後聲。孤聲重似蘆管寒。誰悲送  
莫移近香猊。蠟鳳只愁烟漏啼珠凍。待補片疎。儒教人  
多買芭蕉種。韓玉山詩。紛紜隔窗語。重約踏青期。庚子  
山賦倚弓於玉女窓。屏陳後主詩。夕陽如  
有意偏傍  
小窗明

南鄉子

曉起

碧甃露華凝。欄鴨眠安。曉未醒。一派朦朧。烟柳外。清  
清惟有跳魚撥刺鳴。獨自小樓凭。短筇招涼。葛縷輕。最  
是夜來衫上月。亭亭欲別。嬋娟分外情。

憶王孫

蒼葭拂面月當船。酒渴醒來枕臂眠。一曲滄浪夜悄然。

籬磯邊宿鷺驚飛破暝烟。

又

碧醪休勸碧荷筍。黃葛偏宜黃雀風。曲港潮平小檝通。  
月玲瓏。一路鳴蛙亂草中。

漁父

雨響輕簑罷晚曾。橈頭船帶折腰菱。松葉路。豆花棚。歸  
去須尋草閣燈。

又

白雁來時水蓼紅。浪花微颭鯉魚風。呼穉子。約鄰翁。換  
得村醪勝射洪。

又

徑尺霜鱗玉不如盤餐休歎食無魚  
新月後晚潮初開  
看蜻蛉掠釣車

又

紅藕香中白板門露橋魚蘊靜依痕  
沙作堰水爲村  
鐵笛吹殘臥竹根

行香子

村居

原隰吶吶在澗之濱恰相宜懷葛之民  
澹然自足不受  
此塵愛屋如壘洲如月浪如鱗  
碾漿香蘋入手綠蓴  
醉眠時嫩草承裯問誰還往結宇比鄰  
有祝雞翁飯牛  
客捕魚人

醉花陰

和漱玉詞

淡火安榴深院晝。鎖窗雙扉。獸蟬鬢自生香。薄綰鬆梳。  
不假蘭膏透。戲除綺語春歸後。疊石華長袖。日永費  
消排。呀幅蠻箋。靜寫黃庭瘦。

一剪梅

宋 柳永  
玉詞

絡角銀河曉。樹秋客散江亭。纜解鄰舟。無情五兩送人  
歸。醉裏吳鯨夢裏秦樓。渺渺橫塘。日夜流。半貯儂啼。  
半載郎愁。此生何處最難忘。紅板橋頭。青粉牆頭。

清平樂

代和吳  
城女韻

侵曉露桃遍倚。樓閣朦朧烟際。花事漸闌珊。收拾黃蜂  
小尾。髮髻兩肩任委。嬾向紅奩盤起。玉骨瘦來多。不  
似崔徽畫裏。

送入我門來

閨情和  
硯銘

暖暖池塘悄悄簾箔重重十二樓臺屈膝歲華日日鎖  
春苔踏青陌上匆匆散覺纖素機邊事事乖慊慊意冷  
落銀泥月扇金縷弓鞋除却薰籠小鴨知誰伴人顚  
顚解此情懷彈指年光又早合昏開獨兒警睡當關密  
况鸚母多言別院猜便牋題玉葉何緣偷送入我門來

趙生以玉葉牋  
題詩寄非烟

映山紅慢

橘花

李瑩桃殷總不似緋衣阿措自載上仙槎一枝照眼偏  
宜重五濃陰院落過微雨蹙綃囊傍勾欄暮應惹得池  
畔猩裙浣女爭妬誰喚取頓遜蠡杯還醉擘珠房題



句休悵望斷無消息倚遍東堂芳樹憐他多子先教種  
守宮砂把檀心護向花叢住羨雙影銜巾翠羽簡文詩  
蠡杯石  
榴酒義山詩斷無消息  
石榴紅歐詞東堂石榴

鷓鴣天

間歌

柳碧橋紅月襯銀曼聲微颺意逡巡簪來釵股圓仍澀  
溫處衫痕款更勻檀押句杏霏塵破長消得鳳尖頻  
綠腰攪入楓香調猜遍屏間記曲人曲譜遲其聲以媚  
之謂之簪溫又板  
名曲句絳服用段善本事  
唐張紅紅稱記曲小娘

西江月

隱語

指鏡郎心未悟合鞋妾夢空驚見蓮畢竟欠分明撩亂  
藕絲難整不耐口中生闕其如門裏安橫藏頭重寄

小吳綾半朶桃花爲姓。

桂殿秋

殘蠟燭曉簾波。天碧生衣鳳尾羅。一莖侍女軍持小。獨

立傾城不在多。

蘭名  
待女

烏夜啼

集調  
名

露華秋霽淒涼。月當窗。南浦漁歌轉應。菱荷香。芳草

渡陽臺路。意難忘。庭院深深子夜夢橫塘。

三字令

集調  
名

西樓月。畫蛾眉。憶瑤姬。探芳信。誤佳期。小桃紅。春草碧。  
極相思。花自落。鳳孤飛。恨來遲。金釵子。玉團兒。好時  
光。留客住。莫思歸。

好事近

立秋

豆雨雜杉風，吹到去季秋信。逗曉青奴斜抱，稱桃笙涼  
嫩。起來碧落霽烟收，殘月半疆印。整頓麝煤金斗，熨  
麴紗潮暈。山谷謂竹夫人爲青奴

步蟾宮

紅粧枕綬同心苣，綠底事不畱儂住。鬪頭兒坐已，魂消  
怎生受。被香溫處，繞廊拖袖闌珊去。正樓角黃昏微  
雨，相看整日只尋常，纔不見，思量千度。

生查子

三年彈指間，孤負登牆眼。不是絮沾泥，生怕絲抽繭。  
緘來決絕時，補過郎應晚。趁小摘青梅，心裏人休見。

七娘子

緯

轆轤聲斷珠猶滴。酒醒何處。纈車急。軋軋當窓。悽悽向壁。寶家機畔。難成匹。疎籬幾朶。牽牛碧。分明便面黃。荃筆。歲去年來。風朝露夕。鬢絲總被伊催織。

隔浦蓮近拍

樗亭  
招飲

輕雲難翳。畏景暑尾秋。仍剩。賴此江都宅。篁陰梧翠交映。邀我浮舫。臨玻璃。淨紅藕香中。境頓清冷。迴欄俯處。文鱗搖皺。萍影瓊瓷滿。泛醉面。好風吹醒。林火汀烟漸向暝。乘興從教。珠斗橫。柄。

破陣子

雪田齋同繡山蘭陔  
家後江諸公觀奕

清簟疎簾。雨後隱囊紗幘前。借問宣城羸郡樂。何似

東山賭墅賢仙翁笑不言。緩緩歸鴉接翅。離離宿鷺  
聯拳。橘裏紋枰堪度日。松下樵柯莫記年。迴橈壁月懸  
後庭宴。

香粉木瓜秋衣椒蘭懨懨酒惡茸茸眼。倚樓終日盼秋  
來。秋來依舊襟懷嬾。生疎楚簟齊紈。應恨故歡情淺。  
漏添宵永。何計將閒遣。一殘雨中燈數聲窗下剪。

浪淘沙

通書

雲木曉相參。百頃風潭。浣花翁句舊曾諳。除却綃屏無  
此景。還數江南。石髮細穆穆。坐漱餘酣。山光罨黛水  
拖藍。一隻鷺鷥飛過也。幾葉蒲帆。

開元樂

鳳蠟花焦欲卸。鮎窓柳重難明。搯枕正貪秋氣。趁虛漸有人聲。

八聲甘州

宴楊副戎署卽家相國故第

記童時竹馬望衡居。百度過街西。正平津罷相。堂成綠野。人羨烏衣。一自雕梁換玉。別燕舊巢非。無恙高城月。空照鴉啼。下瀨新開幕。廊有躬生。奉觴伎持。蠹悵靈光雖在。誰辨劫灰飛。淡秋烟池平樹古。剩阿咸重到。夢依稀。將軍醉倚弓還向玉女窗扉。

三姝媚

乙卯中秋同文在漢度筇實少楹集山園

空山羣籟寂。漸纖雲都收。翠匳如拭。乍吐冰蟾。學晚妝螺髻。玉梳欹側。一殘醺餘烟柳外。金波千尺。雪苑瓊田。

除却清歌更誰消得。隨意臨流移席。拚柱影橫斜。露華沾滴。此際城闌定。鵲鑪添炷。鳳樓吹笛。竊藥嬋娟。總不管人間頭白。幾度披衣吟倦。寒蟄未息。

風流子

飲佳始東山  
草堂卽事

桂巖樓隱處。山之麓。殘桂足淹留。喜丹嶂晚晴。涼侵玉簫。碧潭夜靜。月印金甌。堪供客。秋芽茶竈焙。香麝釀牀。簌乍熟。香橙雙螯紫健。將登稊稻。羣雀黃稠。花陰陶然。後東園近。乘興更棹扁舟。臥對縠紋波細。漁火林幽。念沁水名園。臺傾館廢。南皮舊侶。雨散風流。爭似渚田。呼鴨沙檻盟鷗。

蘭陵王

用馮  
真韵

遠江直。無數秋山蘸碧。昏烟外。千點亂鴉。接翅歸飛弄  
寒色。佳人渺南國。愁絕登臨賦客。清霜館。零杵碎砧。燈  
火家家動刀尺。年時履綦跡。向杜曲。花襯燕市歌席。  
樽前相對忘眠食。嗟好夢。雲散。倦游飄颻。藍橋何路覓。  
舊驛。任冰泮鴻北。心惻。歲陰積。忽影送嫵媚。天慰孤  
寂。寒簾一笑歡難極。待載酒探桂。並肩吹笛。能禁離袖  
霎淚顆。漏共滴。

白苧

用蔣勝  
欲韻

近重陽。碧空霽。秋颺漸落。闌珊意態。尙帶連宵酒惡。趙  
黃昏半竿斜照。界書幕。巖壑儘宜人。墜策路紫騮休躍。  
蓉城仙夢。分付孤筇領略。偏稱他小山殘粟。東籬萼。



悔昨誤踏櫻鞦軟紅堆裏贏得銓肩陡削把似海風光  
等閒拋却鱸鄉入手肯因循好景檻荒樽索買隻沙棠  
牋白蘋江遙對江閣靜欲淪漣浣出雲衣薄

六醜

秋夜感懷  
用夢窓韵

乍梅慊夢小漏箭永銀虬頻掣短檠背牕幢幢幾半滅  
暗數愁節幾度寒譙鼓直廬清夜對玉繩高揭雞人未  
唱霜蹄熱露漙青綾香添紫緜隴臆漸分雙闕早黃麻  
捧處悄響傳徹疆收鎖狀感河陽蒜髮釣艇西風冶  
遊頓別瑤芳慣怕鴟鵂况蘅皋目斷洛川羅襪銅瓶墜  
轆轤絲絕恨季少酒嬈歌慵負殺五洲船片鳥棲度空  
付紅雪願再世莫種同心樹丁香罷結

寶鼎現

憶京邸陳事  
寄鍾宛諸昆

鳳城西畔十載留滯。追陪裙屐。疎雨過西山。朝爽九陌。  
無塵人下。並記金馬上來青軒宿。松底泉鳴。月白更執  
手。桑乾古渡。曉盡漁陽秋色。笑語歸去。渾忘客情。燕  
姬深勸杯炙。浮雪椀酥融乳膩。松甲微黃。蘋果碧。任紫  
邏報銅壺頻滴。燈影猶交履舄。向翠毯紅氍毹處。那放  
霜華夜迢。惆悵折柳青門。憑夢遶烟江南北。料茱萸  
簪鬢時。有新詩寄憶。奈我似野鳥踪跡。酒態非疇昔。祇  
目送牛背斜陽。嬾話天街玉勒。

夜行船

用史梅溪韻

取次梳妝閒淡態。舊春衫酒痕猶在。故故矜嚴。佯佯冷

落不覺眼波偷賣。道罷勝常惟撚帶。厭勻描淺鉛深。  
黛密約關心。良辰彈指。又近玉盤傳菜。

柳梢青

題吳江管雪民  
畫詩墅關小景

織水樓前晨鉦夜柝。幾度流連。兩岸雞聲。半彎虹影。一  
抹螺烟。棄繻歸去高眠。認畫裏垂楊繫船。恍悞鄉心。  
消磨客鬢。總向其間。

上林春令

買得無腸公子。更不數金釐玉。膾白衣紅友。攜來趁似。  
蠟雀肪正膩。畦丁款戶若解事。送幾本半開疎藥。愛  
他瘳影依牆。伴燈前淡妝人醉。

酷相思

第二橋邊烏柏樹。是曾倚危欄處。蘸錦滿霜紅。流不去。  
兩袖也濃如許。兩頰也酡如許。廿載輕舸重問渡。樹  
老人非故。聽遙空。寥寥新雁語。衣寄也。愁無侶。書寄也。  
愁無侶。

獻衷心

天馬道中與筠實  
對飲用花間韻

夾兩崖西去。吹面蘋風。天卵色。碧漪同。漸翠微向暝。鬢  
裊烟重。惆悵意。從古在。夕陽中。樵逕轉。石幢通。塔鈴  
無語。短垣紅。隔亂杉。何處。燈火窗櫳。那舍近。君莫放酒  
卮空。

應天長慢

橫雲  
廢苑

斜陽秋意滿。度柳外。危橋敗荷零亂。千仞雲屏。當擁虹

腰天半櫻桃殘夢醒問那是故家池館空指點敲牖地  
穿壞牆蝸篆野老往來慣向釣渚攀捩伎堂勸蔓禪  
板齋鐘潛替雁箏鶯管淒涼吟眺客漫徙倚瘦筇支遍  
誰解識三十年前錦溫花暖

雁過妝樓

本意

淡月窗紗驚寒陣聲聲漸近簷牙奕殘香地如應倦客  
長嗟水碧沙明商畧苦把愁細訴與天涯簞淒涼成垣  
簞策估舫琵琶憐他棲枝揀盡奈爪痕只戀淺瀨蘆  
花楚峯何處迢迢夢鎖雲睂蕭娘錦書不到浪排做人  
人清影斜銀屏悄把無端絃柱思過年華

意難忘

乙卯重陽

僊館晴和。謝催租吏去。送酒人過。新霜楓錦。試斜吹水。  
紋拖。凭畫鷁。指烟螺。怯獨上。崔嵬間。小樓茱萸女伴。細  
馬誰馱。頻年落托。開河泥壚頭。紫蟹燭底。青蛾松臺  
秋落帽。竹路夜聞歌。無限意。漸蹉跎。付一卷。鴛摩。覺近  
來歡場。醉減倦枕眠多。

惜黃花慢

賦菊和  
夢窗韵

雅淡衣裳。想部頭小字。合喚秋娘。早楓冷後。矮籬缺處。  
爲誰卿袖。凝恨斜陽紫綃白。紆參差。映楸檼。罷應換嚴  
妝。笑楚鄉。落英未抵。新釀盈觴。羅幃乍。墮微霜。更一  
燈照影。人立昏黃。舊時寒鴈。又同赴約。多情野蝶。未許  
尋香。阿嬌不願金爲屋。自甘伴。青女蒼涼。漫繫腸。冶春

艷錦輕狂

宋宮人有  
菊部頭

過秦樓

日脚斜拖烟容薄歛爽秋端勝穠春步郭西坊曲試款  
揭犀簾瞥見人人眼潤粉難勻定宵來玉苦珠辛道蘋  
溪遊倦蘭舟歸晚纔起香裯把舊時鏡約從頭歎料  
花姨月姊應也微嚙怎碧桃開後又因循過了幾許良  
辰莫是宋家鄰負登牆沒分橫陳果今生分淺因甚年  
年役夢勞神

金菊對芙蓉

寄葉  
視孫

波面欄杆渡頭燈火也曾吟遍秦淮被西風催賺幾緡  
芒鞋如今怕憶陵陽淚費卜錢闌裏金釵杜秋垂老雲

英未嫁。一例情懷。此悶索倩誰排。賴四鄉好處。許借  
吾儕。且風批月抹。蝶遺鶯差。伊涼譜就。雙鬟唱把。白楊  
種滿蕭齋。從他袞袞。青編事業。黃紙官階。

瑞龍吟

憶伎用  
清真韻

橫塘路。遙睇一曲烟波。兩行霜樹。銷魂如箭。帆輕。泰娘  
載上。飄將甚處。悄延芳。難覓乞漿當日。小桃朱戶。關  
珊中酒襟懷。夢回暗憶。心盟手語。虛度。銀釭花下。玉  
簫腔裏。婆羅門舞。生怕嫩條。章臺腰樣。非故。秋紈畫篋。  
香冷芳姿。空贏得。梁塵遡響。苔痕尋步。強欲追歡去。  
看雲不是。巫山舊緒。潘鬢愁千縷。風葉亂。蕭蕭聲疑寒  
雨。幾時繡幌。倚肩吹絮。



女冠子

用竹  
山韻

朔蓬吹也。亂山丹錦堪畫。黃雲凝處。早鵬盤緊。鵲血珊瑚。何人馳射。歸鞍狐兔。挂喚取玉餅。乳酒儘消。清夜又爭知。單枕倦客。不似鳳城時。貪耍。汀蘆翻雪。寒潮打伴。秋霜明鏡。未許青絲。借絳煤。飄地記醉裏笑。索麴毫題。帕蠻腰。裙衩。一。曲恨來遲。破脆絃如話。料別來憔悴也。應門閉。枇杷花下。

卜算子

題紺上人小像

潮長橘洲平。煙鎖楓江暮。讀罷離騷捲釣輪。人意閒於鷺。偶趁樵風去。聊傍綃宮住。一點銀蟾萬頃秋。只是忘言處。

氏州第一

賦九月  
牡丹

楓冷蓉醺秋事漸老。招腰獨倚穠艷。短日烘來微霜拂  
去。重試脂痕一點。無語蕭晨似嫁晚。娉婷凝黯。崇敬臺  
荒。沈香砌靜。把傾城賺。狡獪蕃釐工。道染那須待東  
皇親檢。袖紫凌寒。心檀耐久。任蜨稀鶯。欠囑司花鈴幙  
護商飈。薄休侵碧檻。影入涼蟾。勝畱春歌。酒醺。

玉樹後庭花

眉峯似共橫波語。燭光搖處。燕輕鶯小花。蘂住。那愁紅  
雨。新腸玉茗香檀句。夢回竟去。前身合是南安女。粉  
真畱取。

六么令

富林  
舟中

孟婆無賴斜捲半江雪。驛西倦篙聊卓。隔嶼沙天末。已  
是霜柯瘦減。更埽亭臯葉。相烏鳴。微驚沙一片。萬騎嚴  
旌夜騰踏。曾傍黃河店宿。瞥眼重茅捐。更憶采石帆  
收。動魄鄰。撞折。多少書飄劍泊。噩夢休頻說。酒濃香麝  
新寒鴛被。待取弓彎。那人貼。

玉蝴蝶

青溪席上  
贈周東園

賦倦上林虛橘。一官似水。雙鬢將絲。絳幔籃輿。偏許顧  
曲撈詩。脯紅虬盤非苜蓿。浮綠蟻杓是鷓鴣。幾曾知。太  
常齋日。僕射醒時。追隨溪堂深夜。蠟花頻剪。麝尾猶  
持。拍手兒童。接離從倒。習家池。笑荒唐。丹鱸九轉。休艷  
羨紫袋三司。菊香遲。舊甌安穩。未怕晨飈。

江城梅花引

秋來無日不開行。暮南城。曉西城。酒伴相逢底用問平生。但是有花無俗客。繫船處。話依依。倍有情。有情有情。君試聽。酒易傾。花易零。醉也醉也。怎醉得。埋後劉伶。冉冉斜暉不戀遠。山橫峴。首碑磨。狐史蠹。千載下。更何人。認此名。

薄倖

襦褌殘線。記燈底春蔥。緝遍。向四角中央盤處。認取柔腸輪轉。恨寸絲難繫。郎心空箱。疊並班姬扇。負冷試并刀。香添。斷艾。多少深憐密眷。到夢醒高唐後。愁不稱。沈腰鬆慢。枉薰籠珍重。魚鰓鳳。滑卷衣人比天猶遠。淚

分明濺待眠。偎坐貼新綿。縱輕休輕換。摩挲半晌。還怕  
繚綾易綻。

金菊對芙蓉

遲硯孫不至  
用前韵招之

楓借花冤。雁描筆影。小春春酒如淮。正南山歸去。蚤辦  
青鞋。江郎鏤管。分明在。算只應咏帕題釵。暮雲空合。佳  
人不見。渺渺予懷。 琴簪取次安排。有海鷗結伴。野鹿  
爲儕。待舟尋少伯。館弔夫差。鶴裘未冷。猶堪典。便醉依  
繡佛長齋。苔錢綠淨。蹙然屐齒。聽徹閒階。

玉女搖仙珮

用屯  
田韻

單衫水墨。洗却鉛華。厭把璫懸環綴。日射紅酥。煙生藍  
玉。別是一般清麗。莫信羅虬比論。丰神不似。姿容猶易。

幾番誤尋花覓井。行盡揚州。欲折還已。何期最繁枝却  
在荒園。無言自媚。猶幸綠陰未滿。紫燕重歸。肯放香  
泥拋棄。索笑鏡開。藏嬌樓小。占斷江南春美。歛黛書籤  
倚。肯輸與才調。相如談藝。悄說向生生。世世。金頭連理。  
兩情雙意。烏絲誓。啼痕澆了吳綾被。

望海潮

同南華和  
少游韻

窮桑一髮。銀濤千仞。羲輪吐盡朝華。徐福不歸。成連既  
去。酸風亂颭。驚沙。何處碾雲車。有翠旂縹緲。珠樹交加。  
指點虛無。箇中如覩織綃家。荒塹又動金笳。正煙將  
着草。霰未成花。樓蜃滅來。汀鷗狎罷。人間萬事空嗟。竿  
影壞壖斜。遶三姑廟側。叢荻神鴉。對此茫茫。祇應沈醉

是生涯。

定風波

載酒村西覓晚楓。霜颺淒淒緊曉林。空輿盡迴船歸路倦。  
橋畔蘼波恰有一株紅。點染疎籬如有意。相慰。天應  
未放杪秋窮。絕似明妝朱邸列。衰歇。獨畱殘醉與山翁。  
長命女

百媚娘

雙鬟篆畦心字。一點短檠珠穗。怪得被池寒似水。稷雪  
正鳴窗紙。萬轉千迴。渾不是。今夜長如此。電抹廿年

陳事并向枕頭根底老去縱餘飛動意煙散博徒爭伐

聽盡六更烏日起翻作惜騰矣宋人以煞點為六更

朝中措乞芭蕉 東臯丙舍初營頗容菰植讀楞亭諸訓畧有同心輒效彈數首

矮垣迴合鎖庭除人坐小窓虛只少綠雲一片閒看暮

卷朝舒 砑羅玉瑩不關題句豈為臨書愛聽五更篷

背耐他山雨蕭疎

又乞竹

野人風味此君宜煨筍勝蒸藜欲問坡髯玉版先尋嶠

谷鸞棲 南枝倘許雨餘曾記醉日從移養得檀欒千

箇便和六逸名溪

又乞木芙蓉



多情誰似拒霜紅。渲染素秋容。甘作木奴楓鬼，年年嫁與西風。  
灘頭沙嘴，一莖數朶，分得鄰翁。不信曼卿仙府，幻來元在塵中。

又乞藕秧

小塘新放十弓寬。如鏡待嫵顏。憑仗碧筒抽葉，田田早蓋雙鴛。  
花時進艇，凌波綽約，霧鬢風鬟。身是鑑湖博士，一壺穩傍闌干。  
鑑湖句川  
陸翁事

又乞草花子

綠陰亭榭要紅芳。嘉種隔年藏。一段幽居清課，兒童莫笑閒忙。  
緘題小字，單臺疊瓣，淺白深黃。偏怪花中婢妾，纖柔別有新妝。

又乞  
柳

永豐坊角小蠻腰，長搭赤欄橋。屈指明秊寒食，瓦溝應  
拂烟梢。薄綿散處，栗留對語，喜定新巢。繫隻斜陽，拚  
觴罩儂歌笠吹簫。

又乞瓜  
豆種

甲痕纔坼雨餘青，煙蔓漸連塍。日晚荷鋤，遶籬黃  
蝶相迎。東陵五色，南山一項，往事休評。多少朱門梁  
肉，嘗新總讓畦丁。

又乞紫  
藤

仲文枯樹半欹斜，隨意結秋蛇。借取寶幢瓔珞，旃林賜  
作袈裟。送春迎夏，雙扉綠淨，襯出明霞。圖得午陰移

處瘳根支鼎烹茶

又

乞天竹

官梅未坼菊全蕪何物件潛夫賴此墻陰隙地短叢密綴珊瑚  
蠻江紅豆峯山朱實得似伊無寄語東禽休啁任教雪壓霜鋪

又

乞水仙

宓妃芝節恨如何羅襪剩凌波自共蘭爲鄉里素琴遺操猶和  
黃冠縞袂紙窗雪映瓷盎香多盡日擁鑪相對只消兩本三窠

相傳蘭與水仙爲夫婦花又幽蘭水仙皆琴操名

殢人嬌

鐺響松吹鑪灰雪陷窗楞矮暝陰先占簾衣衆叢額波

微泛擁膝處。膽瓶蠟梅香。澹。絲線添工。檐榆繫念。燈  
紅裏一編。曾助人。今如夢。花空似繆。且浪把來朝雨晴。  
占驗。

感恩多

麝煙金帶枕。催喚鴛鴦寢。夜寒刀尺知。故遲遲。不管  
狂心惱亂。夢同時。夢同時。待起晨妝也。教畱滯伊。

似娘兒

旋葉響空檐。做九天。著意風尖。地爐火緩。頗黎凍。廣庭  
積水。月華雖好。生怕鉤簾。青女絕猜嫌。伴素娥。碧海  
厭厭。無人賞處。清方絕。春燈三五。秋光一半。終嬾霜蟾。  
侍香金童。

學步盈盈蹴繖湘裙摺，更酒量雙渦燈射頰，喚作璧人  
人未慙，那見無瑕抱來溫貼。問緣誰瘳損，腰圍剛一  
捻，料不慣風枝雨葉，寄語棲香在夢蝶，好待春深粉眠  
紅踏。

小梅花

霜華重，花陰送，去年客跡今年夢，怕人猜，被人猜，無端  
夢語偏是養娘來。惺忪倦曉檣，還暝，背面海棠嬌未  
醒，日三竿，麝煤殘，熏籠四角猶罩藕衫單。

又

藤蕪路，東風暮，薄寒殘，醉籠鞭度，畫橋斜，粉垣遮，年時  
門巷仍對女郎花。烏龍臥處屏山掩，咫尺瓊樓天樣

遠小紅嬌倩誰邀賺他除是伴弄賣錫簫

偷聲木蘭花

訓續堂  
卽事

荒畔大吹停篙處認得門前新種樹把燭循欄先覓溪  
梅蓓蕾看南枝已漏春消息準備鄰翁傾一石瘳竹  
當齋影薄須乘臘月栽

又

鳴榔乍撥冰蟾白打笠俄催溪雨黑萬籟都停鎮日糟  
床壓蕉聲天公解識孤村靜故遣淙淙喧夜永冷沁  
衾窩不道喧中靜更多

又

疎櫺一面迎曦暖僅約添他糊雪韻竹几瓷鑪看到沉

因甚玉肌消却翠蛾慵掠。悵風凋雨也曾經。總不似今番惡。  
銀蒜靜垂犀箔。宿酲伴託。沒人小檻暮寒時。悄耐得紅韉薄。

霜天曉角

本意

青女天斜。斃鱗鋪玉砂。正是朝寒料峭。誰弄徹小梅花。  
京華曾聽他。誤人歸夢賒。一晌日高烟歛。衰柳外亂啼鴉。

醉公子

誰攪濃香被。故惱花枝睡。不是不憐伊。憐伊不得時。  
酒醒從頭問。黛歛殘妝褪。但免謝鯤梭。三蕉誓莫過。

訴衷情

鬱金堂北月朧明，釵密漸侵纓。眉語遞笑渦生，  
骰子被儂贏。改席夜寒輕，撇人行。却來花底曲欄凭，訴衷情。

又

湘醪停淺曲停筇，殘蠟卽春檠。屏六扇，箭三更，  
珊枕綠雲傾。何處轉新鶯，欠分明。流蘇影裏動朱櫻，訴衷情。

醉蓬萊

羅湯何如庵  
鵬起小像

愛篴留翠罨，蘭萼香浮小池平。岸誰著何郎，  
映雙姝鉛面。白雪蟬紗，茜絲蠅拂，更紫檀螺枕，  
裨史拋時。茶煙颺處，石涼人倦。十里春風，二分明月，  
似此家山，儘堪遊宴。東閣詩成，想錦牋題遍。  
鶴背腰纏，樓頭狂夢，任少年飛電。楚澗相看，  
靈和如昨，漢南休歎。



傳言玉女

飯懶茶慵誰省爲誰憔悴。淡宵殘夢也。含顰噎淚。紗綰  
霧鬢偏勝。鳳翹鴉髻。採桑時近。捧心門閉。束素腰支  
稱新裁。比甲翠。息肌熏徹。有青衣解意。閒來繡牀。悄托  
粉顚斜睨。見人推說。中寒扶醉。

玉蝴蝶

繡幃被展香茵。有人憐鄂君。舟小恰橫陳。誰能辨兩身。  
欹斜處。相偎語。偷得眼前春。和夢麝氣氤氳。結爲溪上

雲。

透碧霄

耐思量。一生惟有舊風光。水橋襪印。紗櫳燈影。取繫柔

腸分明非夢。星前絮語，懷裏餘香。悵重來何事茫茫。但  
半篙寒鷺，雙扉斜照，誤煞漁郎。算漂萍數載，吳儂歸  
鬢漸點鏡中霜。送雨花，揆春漏，爭不瘦損紅妝。楚峯二  
六，湘絃十五，無限疎狂。爲情多贏得淒涼。縱寫殘烏鰂  
尋遍青禽，怎寄伊行。

春從天上來

立

洩漏韶顏，是裊裊釵頭，一股青旂。玉人纖手，催送辛盤。  
風景暗憶長安。換椒宮帖子，正寫就百幅迴彎。賜酺歸  
有綃屏照夜，碟盃祛寒。相如薄遊倦矣，甚踐約束風  
又到人間。染草池塘，薰梅亭館，依舊綠了眉山。問誰家  
金犢期花信。屈指更番小闌干。笑紫婚紅嫁，自此多般。

花發沁園春

寒夜同陸義山話  
舊兼憶朱錫鬯

浦口漁歸曆頭冬盡草堂剝啄誰到應門說向有客翩然幸未剡溪迴棹相攜一笑禪榻畔茶烟風裊把兩載秋鬢驚看半生春夢重道 媿我焚枯據槁讓雲霄鶚行玉珮趨早端門和雪侍史薰衣換得野猿沙鳥罇濃漏悄心事許寒檠同照更問訊范蠡湖邊十郎新句多少

江月晃重山

詞友人綽  
姬不果

茂苑三春白紵雷塘十里紅樓此鄉從古號溫柔遺鞭客何事不回眸 但遣劉郎腸斷誰憐杜牧名留東鄰莫訝善悲秋朝雲影端向夢中求

瑞鷓鴣

臘月廿四夜同義山飲董樗亭宅

龜燈方祀膠牙錫。散酒還依折脚鎗。已去丁年憐鹿夢。

曾看甲煎話羊城。上公呵殿冰凝轍。都護儲胥雪壓

營。誰識紙窗煨芋客。復陶閒擁坐深更。

膠上聲  
煎去聲

三臺

對銅槃紅吐膩蠟。玉船碧湛芳醪。近歲除早透半分春。

正人在秦樓深處。沈烟順簇坐調笙侶。醞釀出香雲香

雨。越梅影纔試銀餅。遍耳畔乳鶯嬌語。儘愁心向此漫

遣。密跡從前低訴。淡月夜猶記握柔荑。一笑惹情苗千

縷。驚鴛莫打鴨。剗襪步。剛博得非花非霧。宛轉到種

藕成蓮。幾回費粉猜脂妬。况鄰牆窺宋向遠。洛濱感甄

初賦逐軟塵。載上小駟車。飽嘗遍郵。鐺津鼓。歸巢傍玳  
梁安穩。化喜鏡。國無恙。眉顰。好時節。又盼星橋。鬧蛾兒  
趁閒催做。

安平樂慢

丙辰  
元正

薜甲占黍竹聲。爆曉。旧家月令。偏饒衾窩。睡熟雨點停  
來。愁緒頓遣。今朝暮景飛騰。有新縫斑綵。自頌紅椒。檢  
校玉梅。稍和煙早動香苞。想鳳闕籠蔥。獸罇濃醴。天  
半應奏仙韶。公道春如海也。分暖律到漁樵。雀啣衡門。  
將傲刺。蠶驂盡拋。但相依松篁貝笈。午齋閒約參寥。

雪花飛

誰做春陰半月。綠知誤了燈期。多事瓊姬剪水。斜撲棠

梨。閒煞凌波步。褰簾悄立。曉貪看風前舞態。忘却添衣。

燭影搖紅

咏龍燈

詠笑喧中。蜿蜒瞥現潛虬舞。怪他丁緩。焚蜺脂。巧應雷門鼓。錯認錢塘一怒。掣星橋銜來寶炬。九衢爭擁。百戲都停。滿空煙霧。角觝嬉遊。有人暗憶朝元路。夜深魯照逐鈿車。響水河邊去。浪說魚衣燕脯。怕難逢吳城小女。欲斜明月。又帶行雲。曉堂何處。

江神子慢

戲咏河豚

何來小供奉。願未朶。食指先動。乍春仲。滄海岸。暗解斲冰餘凍。午潮湧。收網蘆芽青。尙短。鞦韆外。拚教傾一甕。

膩乳約瘳西施吳儂那不珍重。從他金鑿玉膾怕東

南佳味聲價難共薦嘉種。侯家讌纔數烹龍炮鳳。慢調

弄。曉事厨娘銀作釜。流匙滑偏宜纖手送。幾率值得燕

臺繫鄉夢。

水族加恩簿以河豚爲春榮小供奉

望梅花

用蒲傳正體

雨禁風受。斷送上元時候。茶磨遠鐘雲外溼。甚處青旗

沽酒。閒煞踏歌諸女伴。日暮天寒翠袖。數枝如繡。髣

髴短牆斜透。竹外半開誰折取。插向鴉鬟前後。非是臨

鸞偏愛爾。愛與香顚比瘦。

玲瓏四犯

用姜白石體

象簾拂塵。犀簾彈淚。應知惆悵無益。一燈春雨夜飲罷。

身如客。歡娛漸成怨抑。悔疎狂少季踪跡。聽徹鄰簫。撥  
殘灰筴。誰解此岑寂。遠巡畫樓寒側。對蛛封繡桁。蛾  
遶書榻。夢回山枕暗。漏共簷鈴滴。東風不與花爲主。忍  
容易香泥狼籍。算未到成陰。便消停也得。

夜合花

寒食

乍霽還陰。纔暄又冷。賺人天氣難憑。枝頭紅闌。香輦漸  
引娉婷。宮蠟散。紙鸞輕。峭東風吹老韓嫣。最無端是鞦  
韆。南陌松栢西陵。年時畱滯神京。曾爲傷簫社鼓。飛  
夢江城。歸帆細雨。依然獨坐聽鶯。新柳綠。舊旗亭。更何  
心隨例閒行。赤欄橋外。平蕪似剪。多少關情。

滿宮花

山行。花下值歌者阿嬌。



苔露濃。絲履溲。不道小庭鋪錦。殿春花下踏春人。腰痠  
那堪風甚。蜂蝶難窺。榆柳陰。莫怨蓬蒿香禁。綠知飄  
曉。爲開遲。紅淚秋娘輸您。

卓牌兒

上巳東  
皇感舊

滿裙水鱗鱗。偏惹起閒愁一派。霽日淡炙。花慙不語。昏  
煙低抹。草斜如帶。烏啼殢宮春。誰復逞詩懷酒態。多少  
刻燭分閨。幾回交烏藏鉤。夢醒都改。小樓捲黛。正此  
日邀賓鮭菜。礎傾牆壞。惟換得悲慨難覓。斜行畱題處。  
滿眼荒榛野裡。無奈甚倚樓人在。

惜紅衣

翠峰  
寺

薜砌龍鱗。槐垂鼠耳。霽嵐如滴。寺角斜陽。輕紅隱淡碧。

藤兜轉處，依約記前春。曾歷相識香徑野薇也。牽衣沾  
屐。東風漸息。菱鑑奩開。漁舫任欹側。茫茫一眺，霸迹  
久岑寂。占得淑烟汀月。羨煞並樓鶻。變姓名。從此應  
署五湖閑客。

瑞鶴仙

葑山舟次  
示席漢章

宿醒剛半解。更整頓壺觴。畫橈同載。人家柳塘外。正炊  
煙初起。漁罾齊曬。中流欵乃。覺身坐琉璃世界。乍回眸  
振柁前灣。轉出一峰橫黛。縈帶深深林樾。小小亭臺。  
主人何在。櫻桃已賣。尊絲滑況堪採。漸鳬鷺浴處。田田  
葉滿。瞥眼藕花香快。好攜將絃管重來。看余酒態。

漢宮春

胥王廟

趙殿吳臺。恨飛來鷓鴣踏殘麋鹿。鴟夷往矣。橘柚尙垂。  
祠屋。蠹書玉佩。漸碑陰土花難讀。旗影颭銀濤萬頃。分  
明素車。颺逐東門。漫悲懸目。問秦庭七日。爲誰痛哭。  
酬恩一劍。炯炯寸心。方足傳芭舞硯。薦香蘋。閭閻絲竹。  
流恨處。胥江未盡。更弔汨羅魚腹。

金人捧露盤

獨遊虞山  
春去久矣

踏青期。香屐細畫衣。勻費吳娘作意妝。新勾鶯惹燕。年  
年三月。賺遊人。鴛峯烏澗。斷腸處。珥墮紛紜。待儂來。  
春成夢。花成子。筍成筠。成筠。閉蜂衙。疊了歌襖。桃根不見。誰  
家蘭葉。載斜暉。莫嗟遲暮。縱遲暮。却免縈神。

感皇恩

瞿園咏  
脚躡

別墅情無人爲誰閒落烈火成叢照牆角雜花看倦猶  
有賜緋新着撼陰閨合處光尤覺蜀魄啼殘血痕沾  
却無限春心渺難托三更月上月影淡篩簾箔玉泉南  
澗路何如昨

戀芳春慢

斐東  
初夏

眠箔蠶慵試鈴鴿健雨晴春已茫然繡被薰香又洗白  
鶴江邊拍岸鷗波漲雪映亘野燕麥濃煙風力峭酒病  
岑岑半臂猶戀輕綿青梅入市有人齒軟紅橋繫纜  
無限情牽老去興奴冷落脆管么絃慢說東園挈榼藥  
欄畔鶯語流連爭知我多感衿懷自憐渾異髫年

御街行

桐孫四月垂新乳。愛小鳳藏身語。盈盈猶未嫁王昌。端  
合傍塘城深處。幃屏半靠橫波偷遞。難說是無情緒。  
終須築箇瓊樓貯。怎忍放開籠去。共輝堂外簌錢聲。莫  
浪逐尋常見女。一鳴響玉。兩行銀蠟。消得人如許。

三部樂

兩宿  
虎丘

容與扁舟飽看足。半塘雨條風葉。冶遊人散。翻喜黛勻  
脂剝。垂柳外如畫樓臺。正暝煙澹鎖返照斜抹。館娃閉  
久。甚處瓊簫偷歷。山腰再尋小寺。向橋梧冷甃。暫留  
時。寒摩挲舊題墨暈。秋屏塵駝。掃龜苔尚餘病袖。渾不  
認劉郎蒜髮。幾許情緒。消凝際知向誰說。

蝶戀花

午酒微醺貪睡好，短夢惺忪不意凌波到。蘭麝滿懷腰一掬，定覓親暱雲芽小。蜜雨重簾聲息悄，半餉遲留生怕人知道。掠髮收裙渾草草，臨行更索盤龍照。

瑤臺第一層

重九招友登爽閣

雨屐烟筇，今老矣登臨也。漸慵艸堂高處，新營欄楯。喜對晴空，閉門無不可。管領得一段秋容，疎林鱗逗彎環。山角，髻小螺重。匆匆茱萸在手，幾人能醉夕陽中。故園佳節，從教戲馬，輸與冥鴻。蠟香螯正熟，算百年開口難逢。蠟花紅，任衣霑涼露，帽側尖風。

霜花腴

紫蓋山房看木芙蓉

小橋徑轉，向此中條然，別有仙家。空翠遙開，冷紅齊暉。

錦幃捲傍餘霞夕陽又斜。澹蒨藍零亂寒鴉。喜槽牀自  
墮新篴。醉顏一色耐霜華。休悵晚汀蕭瑟伴籬東細  
蘂。做煞春葩。羣籟無聲。澄暉如鑑。忘機占取鷗沙。曼卿  
興嘉。擘粉牋催寫秋蛇。道柴門水竹陰連。莫辭歸路賒。

花犯

咏楞亭池上醉芙蓉花初放色正  
白少遲漸紅至晚轉殷凡三變云

小塘陰紅紅素素。迷離覩難準。曉匳香粉。知薄怒因誰。  
微動潮暈。午窓半面分明認。脂痕一綫隱。訝入夜守宮  
重印。非關如意損。君家玉鉅。正邀賓花姨也。解識兵  
厨風韻。人不醉。凭欄處怕教花哂。多情是鴨頭影蘸。偏  
惹起。看朱成碧恨。恨換得少。半顏色。霜颺吹又緊。

玉漏遲

感舊

幾回知是夢。無端又被游絲牽惹。此恨綿綿。壁盡錦牋  
難寫。斷送香紅一霎。想翻爲蜂憐鶯詫。花信假。不如薄  
倖。徒伊開謝。最憶病裏愁中。向燭幌聽銓。繡床看畫。  
屏當山背。擬築護春亭榭。惆悵芹泥壘就。欠雙影雙栖  
雙話。西閣夜。秋塵但凝遺桂。

師師令

題餽節過。欠黃花簪朶。夜來剛載一船霜。奈病渴文園  
僵臥。冷落殘英應訴我。恁酒慳詩愴。愁城如許。誰能  
破。只持螯差可。未寒天氣半開時。爭忍對晚香閒坐。漱  
玉消魂。拈韻妥。索捲簾人利。



湘瑟詞卷之四

中浦錢芳標蕣鮫簑

漁家傲

十二月蕣鮫  
詞正月

歇浦鞭春剛解凍，櫺頭船底冰嘶送。網得四腮紅玉動。  
傾瓷甕，和衣半枕羅浮夢。覺後晴暉沙鳥哢，餘寒暗  
減青蓑縫。城市燒燈塵正哄，箏琶擁輪儂鐵笛乘閒弄。

又

二月

滬瀆潮痕隨信長，芹芽漸坼河豚上。春色三分看到兩。  
停烏榜，紅衿掠處魚標颺。自接柔綸兒補網，柳塘杏  
鴉時來往。社鼓鼕鼕邨廟響，波如掌。紙鳶風急帆無恙。

又

三月

松澤雨餘春艷艷。前裙水沒鳬汀。纔曉鏡奩開。烟柳蘸  
游鯈。險漫天狂絮多於糝。尊葉短。宜鹽豉淡。桃花密  
護紫荊掩。睂眼落紅三四點。沿流泛重來。不怕仙源賺。

又四  
月

薛澱麥涼豌豆熟。邨邨漁舍圍新綠。鳩婦喚陰蠶上簇。  
燒湘竹。磯頭撥刺銀鱗觸。換酒偶過津市宿。齋期懶  
記迦文浴。歸路棟花香蔽蔽。滄浪曲。櫂聲欲斷縵車續。

又五  
月

谷水年年喧競渡。漁舸不犯潛蚪怒。葵雨蒲風迷極浦。  
凭舷處。鶯簧宛轉諧蛙鼓。長日倦篙隨意駐。不巾不  
襪。渾忘暑。虹飲野橋猶未暮。輕雷度。蜻蛉引入田田路。

又六  
月

陸瑁湖邊三伏冷。古槐蟬咽濃陰靜。鎮日持竿假樹癭。  
貪露頂。鷺鷥翹足低窺影。多少衝炎趨畫省。人間別  
有清虛境。黃雀好風常舴艋。吹夢醒。釣絲斜罾茨菇柄。

又七  
月

對溽秋新菱角紫。洗車雨歇河垂地。欸乃數聲纖月裏。  
天如綺。雲容也學文鱗細。明滅漁燈懸舵尾。依稀螢  
影添沙嘴。夾岸豆棚低壓水。炊菰米。青煙一縷涼颼起。

又八  
月

圓泖風高鳴渚葉。潮頭百尺歛瓊沫。逆浪小舟輕似鴨。  
苦師捷。盤渦慣與馮爨狎。夜靜纖阿涵貝闕。空濛不

礙金波。澗滴滴露珠凝素袷。吳歛發。水濱鋪錦蘆堆雪。

又

月九

沙堰授衣秋。旭杲矮籬蟲響。芙蓉遶簷簪。攜來塵不到。  
樵青小。木奴洲上支茶竈。風送鯉魚腥過了。灘稜碧。  
褪畱鴻爪。隔淑人家初穫稻。紅秣早。緯蕭窸窣雙螯飽。

又

月十

塢滙霜酣。烏柏赤。淡黃鴨脚千章直。着箇罽袍垂餌客。  
船欹側。天然設色荆關筆。最愛小春偷煥律。身閒應。  
任羲輪疾。一抹雲腰黏淺碧。遙峰出。鵲鵲欺翅人指笠。

又

月十一

唳鶴灘晴長至近。芋魁煨裂菰薑嫩。何處水仙香陣陣。

蟾鉤暈撈蝦蹙皺寒潭印  
向曉慈鴉盤欲盡魚租不  
欠僵眠穩船背掃來霜一寸  
酸風緊木棉裘較羊裘韻

又十二月

蘆渡六花先臘灑模糊片蓆江天挂  
畧約無人飢雀啞  
枯株罅衝寒側帽何爲者  
縮項鰻肥叉嬾把漁家歲  
晚偏多暇遠寺昏鐘煙外打  
收前汊篷牕吹火團圞話

品令

爲趙雙白題像

平原村冷但露濯胎禽警  
荻洲環處戛然長喚月寒煙  
暝偏怪幽人拖着縻筇閒聽  
雙蓬拚映夢不到揚州  
境浮丘一卷素琴三疊發人  
深省多少雕籠誰適水情

雲性

右華亭聽鶴圖

又

衡門之下。且請學樊遲稼。短犁新買。綠塍煙裏。烏犍斜  
跨。公道評來。元勝着緋騎馬。參差吹罷。任叩角歌呼。

津者。

右谷水  
騎牛圖

法曲獻仙音

弘軒席上聽楊郎  
絃索兼感陸君賜

崔九堂前。段公亡後。那記開元遺譜。幾撥冰絲。一欄霜。

月。依稀舊曾聽處。是壓笛宮牆。侶偷將串珠度。

按商

羽。訝蹤環鐵衣金勒。俄變做。恩怨小。恁兒如。莫道客忘。

歸。隔簾旌雲也。畱佳。鏤管花殘。畫旗亭。渾減新句。但更。

闌燭跋。喚罷奈何凝竚。

是夕奏羅貫中陳  
橋王實甫蒲東曲

八歸

申浦阻風

雲黏墨障。濤掀銀屋。歸計。一晌耽閣。蕭蕭五兩空江。晚  
知其衝煙寒。鷺甚處。栖泊。鄂被欲溫溫未得。况半臂紅  
韉綿薄。料此際。占罷燈花。竹儿倦。願托。偏是琅玕瘦  
損。秋來滋味。病酒。衿懷還惡。幾聲珍重。一回銷黯。客  
牕如何能着。笑柔鄉。咫尺底事。經旬動拋却。殷勤囑石尤  
方便。送轉船兒。文君壚畔酌。

散天花

丹鳳樓懷古

亞字牆邊雁齒塔。龍風吹不去。小丹臺。靈妃應駕晚潮  
來。畢述鳥尾急。嘶枯槐。欄瞰琉璃絕。點埃微。茫恍幾  
扇。名陽開。凭高莫倚大夫才。鐵崖陰在石土花埋。

明月逐人來

驚黃鸝滿。鷓鴣斑香爇。偏廝稱小樓如繭。瑣窗畧啓。斜日  
煙蕪遠。放入丹青一扇。閒伴。冬娘翠袖。熏籠靠遍。無  
人處。防閑幸免。剪刀指令。休更拈針線。賭箇樗蒲消遣。

迎春樂

長至

銀鑪淺爇溫磨火。閒閣網鞵兒坐。夜來貪聽么絃破。笑  
倦曉開還鎖。看日影繡床漸過。怎添得吳綾花朵。要  
趙鴛鴦成對。便向燈前可。

飛雪滿羣山

爽閣觀雪

欺。褥風鉤盤。鴈雪。玉塵吹上迴欄。翠樓妝罷。紅簾軸  
處。泥他卯酒禁寒。幾回迷纈眼。訝誰舞遙空。珮環萬家。



鱗瓦雙峯佛髻飛絮有無間。憶曾賦宜春花滿句。向  
謝莊衣畔斜撲歸鞍。灞橋驢滑山陰柁。倦浪遊。總遜鄉  
關。鳴鑪籠茜袖。正人與餅梅對閒。若教圖畫瑤臺十二  
天半看。義山詩如何雪月交光  
夜更在瑤臺十二層

琴調相思引

病起鉛華了不施。一綢低綰卸頭時。夜寒鐘定緣底上  
樓遲。鳳脰燈前人灼灼。蝦鬚簾外雨絲絲。解攜猶未  
先話兩相思。

又

淅淅瓊花灑隙乾。石郵狂撼相風竿。酒醒何處鷗跡印  
水灘。幸不載伊蘭漿去。料應愁我錦衾寒。不如香獸

留得伴更闌

虞美人

白塔守水

鰈宮夜湧品盤滿。咫尺蓬壺遠。情悰約畧四年前。板橋  
衰柳繫吳船。蒜山邊。那時相對憐桃葉。不怨橫江截。  
小樓今夜凍雲迷。知他曾否下鴛幃。待人歸。

鷓鴣天

途次偶書所見

羌喜歸裝背朔風。蘭橈雖滯筍輿通。負暄犬臥疎籬罅。  
乞火人穿密篠中。梅破臘。日高春。冰霜似此欲何從。  
豆蘄煮酒誰翁媼。晏坐圍爐笑頰紅。

玉女迎春慢

雪晴

解意天公。頻妝點。閣外玉壺瓊島。睥睨千家帶遠。儘我

凭欄吟眺。吳鹽誰埽。數息處。瓦鑪聲小。些些風味難向。  
淺斟低唱。人道碾成幾筋冰甌。垂垂待伴。暮寒增峭。  
愛與兒家。韻面不啻封梅壓篠。落霞低映。暈一朵紅酥。  
偏好淨洗青冥。襯出月娥纖綽。

斜帶花

小除夜  
復雪

樓寒人悄。春猶殢。向暝何事延佇。愛他并剪。剪魏家驚  
蝶。謝家輕絮。爆竹光中。飄瞥弄纖影無數。誰知我冰檠  
盡簡。相伴歲華暮。迴思神京舊况。味被擁青綾。苑指  
瓊樹。此時更直。正鳳詔裁歸。右銀臺路。閉戶先生。久不  
夢短衣射虎。微醺後。巡簷一笑。凍蘂細於乳。

法駕導引

赤城韓夫人製木府蔡真君法駕  
導引九首今僅傳三闕戲爲擬之

乘蹻去。乘蹻去。閒訪智瓊家。誤賭驍壺天一笑。不知流  
電掣金蛇。衫裊六銖斜。

又

天雞唱。天雞唱。榆桂曉隴隴。寂寂瓊樓寒未啓。沈郎新  
贅翠微宮。鳳牕紫牕中。

又

珠幢擁。珠幢擁。風馭響流鈴。瞬息班麟三萬里。齊州九  
點月冥冥。誰辨漢家陵。

又

香深處。香深處。雜藥壓枝多。燭夜花前傾數醺。珊鉤隨  
意擊盤歌。清越應雲和。

又

羣真宴羣真宴青餽賽粳香醞得逡巡龍腦酒雪銀休  
削買餘杭醉舞下寥陽

龍腦雪銀用耿先生  
事餘杭姥見麻姑傳

又

蓬萊使蓬萊使鳳紙綠章緘上界竭來官府足弄臣仍

署掃花衙宛轉字如蠶

義山詩上元  
細字如蠶眠

又

文鯨滕文鯨滕橘社鴛潮歸滿路空青人不見織絹孃  
子拾支機蛟瘦笛聲微

又

紅韁解紅韁解山子秣芝田貪共雨工騰踏戲碧桃如

雪糝軟韞，飲玉聞河旋。

又

靈飛佩，靈飛佩，綺語戒尖新。月兔縛毫濡沆瀣，七言遙和藥珠人。先遣示南真。

卜算子

荷珠

滴瀝打篷聲，做弄田田影。誰捧銅仙露滿盤，潑得鴛鴦醒。忒利漉摩尼，翠蓋擎難定。百琲穿來費藕絲，髣髴郎心性。

又

柳線

寒食雨和煙，染出鶯兒淺。依舊垂垂千萬條，暗把春愁綰。寂寞掩長門，搭向欄干半。多少鶯梭織未成，燕尾

休頻剪

又

錢倫

綠笑亂地牆。鵲眼分明認。聞道盧家爛不收。難買斜陽

一寸。折取杖頭懸。春晚銖衣褪。天上寧無種樹人。却用

王清本

王清本錢神名  
見酉陽雜俎

又

蕓絲

雉尾細於釵。繚繞春湖碧。笑煞江東老步兵。直待秋風

憶。幾縷嫩冰黏。皓腕殷勤摘。鹽豉調成骨董羹。比酪

嫌唐突

又

竹粉

褪了穠龍斑。冷翠浮纖素。入夏湘人試曉妝。薄薄鉛華

御和露刻琅玕玉版畱新句飛盡桐花鳳到遲錯訝  
鋪青女

又  
苦衣

千里草橫裯四照花垂幄爭似塘坳錦夜明點綴陳王  
閣浣淨綠鬢髮暗水魚牀落怱悵耶溪石上痕沁處  
凌波覺夜明苦見拾遺記

又  
芝蓋

句曲謁茅君三秀多於薺采藥童歸攬赤幢鹿背光搖  
曳只合蔭商顏何事甘泉寄爲愛銅池五朶雲一樣  
亭亭驛古詩攬芝獲赤幢又西  
北有浮雲亭亭如車蓋

又  
狹針



透水碧尖芽。畦帔裁縫早。用盡工夫刺繡紋。不似逢年  
好。白鷺點來輕。稚子敲難釣。辛苦牽牛插乍勻。河鼓  
先分巧。右丞詩衣帔稻畦成

海棠春

紙

杏花風裏游絲颺。訝何處鳴箏送響。并剪剪霜翎。跼跼  
青冥上。雖非小衛巾箱放。也常帶煙霞骨相。燈影夜  
微茫。拂尾春星漾。

又

竹馬

龍媒原稱龍孫。做學司隸。香鬢瘦步。待得細侯來。踏遍  
青蕪路。耳批猶帶湘江雨。却閒伴鳩車戲具。好逐葛  
陂翁。跨箇筇兒去。

又

木魚

霜鯨罷吼團蕉穩。又敲徹金鰲背。損不寄錦江書。繡佛  
依蘇晉。小軍持畔魚山近。慙珠共潮音隱隱。解伎笑  
吳儂。攪入紅牙韻。

又

石虎

白楊如嘯燈如漆。殞宮下於菟夜失。月黑望夫山。佯舞  
風蕭瑟。飲歸橫臥滕公室。幾拳繡斑紋鮮密。莫恃晉  
能言。猿臂藍田出。

又

雪獅

玉塵堆就文殊座。儼疏勒牽來駮駢。咏絮謝家才。怎遣  
河東和。百花攢簇連環鎖。問爭似瓊英朵朵。冷煖異

金猊不耐沉香火

曲江戚畹以百花爲猊  
子紫小連環相配遺

又

翠

女牀遙隔歸昌噦換新樣炎洲翡翠何物許同巢玉燕

釵梁綴

綠蟲輕嵌銜珠穗儘誇向專諸巷裏生小戀

秦樓買得偏成對

專諸巷吳人  
市翠花處

又

銅

鍍金鵝鴦沈烟瘦羨常在房幃素手移傍夜香亭影浴

春波皺

睡濃嬾逐欄前鬪被池淺輕寒不透若解白

呼名只合呼韓壽

太常引

正月十七  
夜師事

海天春破放燈纔酥雨潤輕埃小宴戟門開聽陣陣山

香慘來。闌珊意態蒼茫。夜色分付酒如淮。已誤太常

齋。嬾更話臣纓掛釵。

唐以詩莫誤卿卿學太常

又

十八夜沙  
腰坐月

隔季重倚水亭欄。誰問竹平安。瘦損碧琅玕。也類我多情鬢殘。迴廊轉角。澄暉浸影。爭忍不盤桓。抖擻泥春寒。奈似醉襟懷倦看。

紅窗睡

用珠玉詞韻

不信簷鈴真解語。徹夜傍枕屏如訴。驟風馳雨相攙和。沒安排愁處。絳炮燒殘。曉未曙。知誰伴錦牋翠竿。吟朝醉暮。只除飛夢。覓高唐人去。

解蹀躞

仲春望日舟行仙梅園徘徊不能去偶成小闋

一帶濛濛晴雪，疑入孤山路。小橋脩竹，停撓暫容與。凭  
遍老榦春苔，被伊悄地勾牽，欲行還竚。倩誰主，休遣  
封姨吹去，重尋醉芳醕。有情蜂蝶，棲香戀深處，待到蟾  
影篩時，便須安箇紅裯，夢和花語。

怨三三

清明爲三月三日

鑽榆贈芍，巧相兼，占盡春愁。惹得天公也妬嫌，遣風雨  
暗江南。淹留藥畧詩籤，海棠夢閒庭，正酣謝解事新  
蟾。飭簫吹罷，宛在湘簾。

小桃紅

綠媚咏桃

酣顙斜暎淺溪流，鹿眼籬剛透。慣伴如絲數行柳，罩漁  
舟。題門舊巷，休回首。春寒細雨，酒醒殘月，願移近洗妝

樓

雨霖鈴

拙閒坐雨用  
樂章集韵

檐低聲切。訝支顏處。曉暮無歡。春寒分外悽惻。短桃露井。細苞纔發。悶損雛鶯小燕。禁嬌響如噎。想此際。吟客孤篷。北固山頭暗潮濶。  
時榜亭行後東皇冉冉看將別。最

無端悞了。鞦韆節。年時畫舸同汎。人醉後。滿身花月底。事新來。只待茶鐙臥簾鋪設。那更被絃索嘈嘈。舊恨依稀說。

戚氏

泛舟橫雲飲  
迦公精舍作

趁晴暄。肯惜紅友負青山。攪睡窓蜂。絮香巢燕。勸遊船。凭舷認煙鬟。垂楊缺處黛痕連。車喉宛轉纔罷。更遣鸞

管和鵬絃茗椀清供蕉團閒榻恰對削壁巘岼且從僧  
借杖披薜尋洞乘興躋攀疇昔月榭風軒綦響一斷  
木魅語頽垣多情賴翠微無恙碧澗依然石梁邊脫帽  
據地芥肥筍嫩艸艸杯盤夕陽半嶺纈眼迷離儘我流  
枕雲眠暗數鶯花候人生適意畢竟樽前看取牛羊  
廢隴剝劍獅水滴付誰憐怎如幾具琴簪數聲欸乃鷗  
鷺常爲伴况舊遊零落晨星散難得是親串蟬聯夜漸  
深絳蠟重燃學蘇晉醉裏愛逃禪笑廬峯寺空勞結社  
但惹肩攢

銅獅外漪陸氏墓  
中物也見輟耕錄

徵招

四月初三日  
送春

一年又送春歸矣如何麥寒偏凜拂拭舊熏籠覆韶州

紅錦午餘和悶寢。夢回處。水沉微滲。髣髴殘秋。雨昏煙  
暝。瑣窓支枕。能禁藥欄叢。剛移種。催將粉飄脂沁。醉  
袂落花詩。記曾翻墨藩。因人常似您。便畱到曉鐘爭甚。  
待消受。滿逕綠陰。試蔗漿茗飲。

### 錦堂春

鴉暝啼時綠暗。鼠姑開後紅薦。人閒簾敞桃笙淨。斜對  
畫樓眠。鶯餽催調橫吹。玲瓏學撚么絃。從教陶寫供  
清畫。無奈是中年。辛餽餽商玲瓏  
唐時樂工名

### 雙雙燕

逢長安  
舊歌者

記休沐宴。喚宣武門西。繫珠名部。丁香圻後。見慣白浮  
鳩舞。悵悵飛雲散去。似一枕鈞天欲曙。誰知落拓逢伊。



又是江南春暮。無數青衫淚雨。對榻畔、茶烟鬢絲千  
縷。烏衣殘照。剩否翠衿雙語。聞說華懷易主。漸老却、玄  
都桃樹。贏得舊識何歡。莫唱渭城樂府。

夜遊宮

狎客周生出故人寄妓手書  
偶用晏小山韻聚括其意

一櫂紅橋箭遠。酒醒後、香衾難暖。不恨相思不相見。見  
雖頻。奈東牆、登較晚。合是書仙伴。莫吹做、柳綿撩亂。  
誰道來生尚緣淺。驗魚牋、減溪紅、知淚點。

寰海清

玉蛹爲蛾。艸花成子。初試單羅。侵曉麥風一面。簾額微  
波。黃鵬枉相識。濃陰院、須不是春畫。嬌歌。楸枰冷落  
塵多。嬾更向後堂喚舞。曹婆珍簾拋書。漸喜扇拂天鷲。

長繩似繫小年日，算何妨暫攝南柯。醒來松響細問輕

綃，煮茶麼。

元微之詩：懶梳妝，舞曹婆。李義山詩：交扇拂天鵲。

握金釵

用呂聖求韻

換水貯哥窑，菖蒲又堪剪。麝煙微透窗眼，清晝惜惜任妝晚。吟意緒，繡工夫，緣甚嬾。鸚鵡太殷勤，林梢盡情轉。半床閒却絃管，貪弄新荷翠錢展。人見也，蹙凌波，歸別院。

燕歸梁

木意

啁得芹泥掠淺沙，還覓舊盧家。鬱金堂外，受風斜，人正悄。夢梨花，日高香壘，塵凝藻井，占定好年華。蜜官辛苦浪排衙，相對語不如他。溫飛卿以蜂爲蜜官金翼使

贊浦子

川花  
間韻

井畔桐初乳。閨中草正薰。小軸雙文像。輕綃百褶裙。

只擬夢隨飛絮。誰知月墮重雲。諱道從來瘦。支離不爲君。

戀情深

錄事巷南無數柳。拂行人首。小樓珠箔翠籠陰。乳鶯吟。  
阿誰雙顰。闌臨。惱亂拾鞭心。自此不歸朱邸。戀情深。

又

鏡檻無人風運幕。赴蕭娘約。象梳微攏蜜犀簪。倦停針。  
半灣銷夏碧江潯。荷氣襲羅衾。便做一雙紅鬣。戀情

溪

又

過雨房櫳燈火早。任秋蛾遶。筠籠親炷海南沈。覆鴛衾。  
玉琅玕細冷森森。怯傍女嬃砧。二十五聲長漏。戀情  
溪。

又

畧畧教成銀捍撥。對垂虹雪。射堂歸騎帶山禽。度瑤林。  
解鞍和笑玉船斟。遮莫峭寒侵。半臂麝烟濃處。戀情

溪

畧畧琵琶曲名

西河

無限意凭闌一晌誰會。紅樓碧樹曉濛濛。雨疎煙細。妙

光閣外。眺神京。依稀風景猶記。十季夢。今醒未。舊題  
小字塵翳。典裘轉。魏茂陵人。長卿倦矣。只餘婉孌好家  
山排牕遙送。睂翠。畫船載酒。競鼓吹。讓黃衫。潭上沈  
醉。謝客板扉從閉。笑倡條冶。葉婆娑如此。休說移根靈  
和裏。

水晶簾

誰喚蒙莊醒。是銀竹森森敲井。漸入霉天。訝玉女盆翻。  
鄂君香冷。望斷晨光。簾影黑。夏夜比冬宵。更永。汝南雞  
只隔鄰牆。怎生寂靜。潺湲滿清聽。恍千山飛瀑。蒲團  
禪定。把舊愁新怨。幾回暗省。衝鼓催朝。泥沒馬。正此際  
燈殘鳳脰。最無端。焦穀空花。賺人薄倖。

人月圓

蘭江魚婢桐花鳳，雖小已堪憐。十三絃柱，猶狀未到，瓜  
字分季。綠雲覆額，誰知施的，纔曉安鈿。他時茗水，尋  
春杜牧，休誤風前。

與團圓

呼罇拂石餘霞如綺，濃樾如帷。春來手播秋花，種早抽  
遍新萸。閒庭笑看，袞師朋戲，織素肩隨。醉啗只愛天  
吳，袒褐玉臂清輝。

漁歌子

月洲彎紋縠細，剪刀葉底魚苗戲。倚枯查，垂粉餌，不識  
誰莊誰惠。樵童童，蜩嘒嘒，雲腰一抹龍拖尾。棹頭歸。

支頰脰閒看風標公子。杜牧以鷺爲風標公子。

散天花

題天女散花圖

誰潑空青染大羅。五銖衣瑟瑟。現天魔。瓊囊如雨妙香和。吹來平丈室。供維摩。風諦曾參宰堵波。波旬憎慧業。奈渠何。憑將半偈乞鬢墮。經行隨鹿女。踏花過。

南浦

載酒浣花溪。漸午風吹來。茵蔯香細。醒夢一蟬新。濃綠外。羅立數峯如髻。苔錢屢齒。李文小袖曾遊地。斷鴻一太。惟畱得斜陽。閑鷗相對。吾家阿濟殷勤。喚碧筩浮梁。米盃沉李。箕踞翠濤陰。何須問歸路。暝鐘烟際。柔蒲脆柳。未秋先做蕭蕭意。謝公宅近。無端又催人。西州門。

淚小袖李文藻  
見趙飛燕傳

堯上鞋兒戲作藥  
名闌怨

丁香幾結。梔子同心。珍重使君投便。合歡諧膠漆。算兔  
絲怎比。綢繆。茱萸灣裏。鬱金堂外。蘇滑石欄幽。悄地黃  
昏私語。寧甘遂嫁牽牛。山迷青黛。鑰閉葳蕤。別去菊  
花秋。百部相思。藁本。剩寄奴。故紙空收。壞屏龜甲。舊奩  
龍腦。牖續斷箜篌。郎若當歸。趁早。無多。豈惹稍頭。

拜星月慢本  
意

始影占來。結璘奔未。悵望梧桐露下。鬢鎖金蟾。閉蒼涼  
亭榭。拂髩兒。擺箇年時鵲尾。越覺腰身如畫。被肘多情。  
襯芙蓉裙袂。盼銀潯。乞放黃姑假。偷靈藥。莫判青天。



寡暗把小字生辰向風前抒寫漸鐘沉絡緯墻陰話桂  
僮牕暖雪埋紅燄不慣是怯膽虛廊更花搖竹灑

清平樂

層臺寒產人在青冥半玉瀝金波渾不辨惟覺桂香吹  
面幾季月癖花狂誰知減盡飛揚歌板換將禪板釀  
王降了空王

洛陽春

立春日  
有感

莫道東君無準驗柳金梅粉怪他着意染禁青染不到  
星星鬢閒擲幾番花信舊歌筵休問分明秋字在心  
頭算那得春光分

法曲第二

春寒  
偶作

過了收燈誰信封姨擬弄東皇顛倒已誤沆鶯約似烏  
鰂書緘寒暄難料忍禁得梅鬢瘦減蕙芽小雪又攪

記華年簇辛盤燕九此際東閣紅爐遶京雒夢都付藥  
儲茶竈密補牕櫺學燕眠蘭窩計好且休羨畫檐烘日

放衙蜂鬧

京師正月十  
九飲謂燕九

柳初新

詩凡蘭次所寄藝香二刻有懷  
并感合肥宗伯長椿舊遊也

花驄蹋倦蘋汀路又浪跡臯橋廡櫻桃聽講槐安縮印  
博得夢窓新譙雲散吟朋酒侶問誰同輕鷗柔鱗光  
芒坊中別去悵義輪揮戈難駐尙書紅杏司勲綠葉都  
做繫人愁處待相覓橫塘烟渡與君話燕山春雨

宵聲碎

咏百  
舌

故故喚朝眠。不管春心搖蕩。新簧巧試。宮商潛換。學小  
娃訛唱。秦樓上。愛焯霧正。朧臈。只隔垂楊浪。支願漫  
惆悵。爲您停妝。一晌輕圓。乍喜。又做弄鉤輓。楚咲蠻吭。  
芳節往。終似息國夫人。莫亂金衣響。

離亭燕

花朝後一日舟  
次孫浩然韻

水面似皺難畫。雨脚欲收還灑。野鴨衝船。千百點不圓。  
竹欄誰射。待渡一蓑歸犬。吠變煙邨舍。拂樹小帘青  
挂。隔寺壞橋紅亞。隨意恍肱攤飯處。呖軋櫓聲如話。茅  
土醉侯寬。只在矮篷窗下。

迷仙引

澄暉閣  
下柳

一搦蠻腰。記向章臺。帶雨移植。彈指三年。上樓人漸遮。

得。簾。晚。風。春。未。半。蘸。鷺。兒。千。足。潭。不。念。催。老。舊。時。張。緒。  
靈。和。標。格。縱。近。飄。綿。陌。幸。傍。藏。鴉。宅。拂。面。流。蘇。憐。他。  
偏。罩。柳。兒。白。莫。倚。着。欄。干。弄。簫。怕。金。城。淚。點。重。來。又。滿。  
香山詩未多  
遮得上樓人

極相思

年來貪譜伊州蕃錦作纏頭郭郎長袖搖娘假面散了  
此愁顧曲心情今打疊在飄零社燕辭秋簾床蠹粉  
笙囊蛛網夢醒紅樓

粉蝶兒慢

花名十姊妹  
戲爲咏之

天寶三姨昭陽兩艷總較伊家纔一半齊列處美宮眉  
圖展底事微禽枝上棲也把排行偷喚錦離披勝蜀牋

數種紅深紅淺。光炫屏風一片。寫香詞。恰稱迴心春院。相憐如欲語。競鬟搖釵顫。莫是東風都未嫁。誤煞拾遺嬌面。笑宜男。枉多情。鼠姑無伴。

醉鄉春

挑菜作

手摘紫芹青薺。猶帶雨香泉媚。撥活火。試新醅。天送老饕風味。何限玉盤朱邸。競說蓬池賜鱸。早春候。夕陽村。可能嚼出宮商細。李文饒詩註唐學士賜食悉是蓬萊池魚鱸

燕臺春

寄胡剡羽時有得雄之信

抱甕亭邊韞光樓上。分曹幾遍藏鈎。酒國塵兵。舉旗寺割鴻溝。有時評罷歌喉。報見鐘曉寺霜稠。開中清秘。牙籤千卷。借我銷憂。吳航歸去。越調吟來。夢迷蔣邇人。

老并州青雲小阮翩翩欲度驂騑繡祿犀錢况蘭芽瓊砌新抽竹林遊應念題句客飄泊依劉抱甕齋光爲胡氏谷園勝處

解語花雨夜檢書得舊稿漫題

投嚴斲羽委砌殘香誰復畱連意蝨魚堆裏仙難覓却剩斜行小字牛腰驢背費幾度縫衣人淚渾被他賺了丁季不換長安米吟到案螢乾死笑批風抹月干卿甚事青燈烏几簷鈴亂淒絕夢華隔世臣今老矣任嫁日鏡陋塵翳算只除金粟經函懺悔芙蓉紙

傷春怨改童時所作柳街行

粉印編重展尙夾年時花片昨夢已模糊瞥引春愁一線畫橋閒凭遍小雨愔愔晚弱柳帶烟垂似與人俱

倦

滿江紅

從婉嬾艸堂步  
至雄花林作

二俊風流都收拾。殘山剩水。但飢腸竄瓦。麝香眠砌。長  
夜漆燈春草下。何人鐵篷湖烟裏。踞龜趺。閒說泰寧碑。  
漁樵史。濃復淡。松雲霽。歇還涉。柴關啓。愛滇茶交映。  
唐昌玉蘂。猩血簇成繁縷。錦羊脂碾出玲瓏髻。問乞花  
場與讀書臺。誰軒輊。并州有乞花場  
疏爲陳徵君作

東風齊着力

鏡湖  
艸堂

淒瀟文魚眠汀花鴨。一水拖藍。雲移薄絮。新拭紫珍匳。  
賣藥黃冠未返。香煤冷。偃月泥絨。城南柳似曾相識。弄  
影毵毵。載酒憶秋潭。邀笛夜。舊人尙有何戡。玄都重

到雙鬢點吳鹽欲乞粉真丹訣邯鄲叟不語微醺真成

夢碧桃開也誤我鸞驂

堂挂呂仙像

金蕉葉

用彈指集韵

飄零只典青衫醉依稀濕曉鶯啼淚似病如魔半生消  
盡三生慧記否綠屏無睡迴文浪擬蘇家蕙怕生綃  
粉薦香退永豐弱柳誰教綰作靈和對暗惹鬢絲霜脆  
致光詩綠屏無睡秋分簾

鵲橋仙

道書雖讀情根難剷生怕舊遊池館知他緣底瞥關心  
到便把空廊立遍一燈殘雨廿年飛電吟筆酒籌渾  
嬾繞塍豌豆作花時羨老圃閒愁不管



兩同心

宋次正  
花燭詞

賦梅題杏，早擅才情。暮雨峽真逢神女，玄霜驛那羨雲英。催妝處，月懸蝦簾，花壓螺屏。況有九髻挑燈，義甲楊箏，七十二鴛鴦沙暖。一百五楊柳烟輕。深深院，有箇人人，頻喚卿卿。

踏青游

題樊川圖贈  
吳興興太守

天遣才人，管領湖山，月合占住。水嬉芳節，怎重來，清茗路，成陰葉。舊風物都付惜春傷別。怕粉香讓，他蜂蝶。十載狂名，青樓夢回猶熱。把荳蔻珠簾，吟徹問紅淚。秋娘共紫雲花，靨也應畫圖裏。伴取鬢絲禪榻。

芭蕉雨

爲維揚江  
氏雙節題

暗盡妝臺曉鏡照來還闌箇孤鸞影青女素娥相並甘  
受月戶秋清霜幃夜永一泓邇水碧瑩嗟此意誰省  
休艷羨錦袍誇江令待五色管花成多少燭淚同乾機  
聲互應

鬪嬋娟

山塘見龍舟即事

女墳湖畔凭欄望林腰斜照紅淡笛床香爍久闌珊尙  
飭師山店暝幾簑安欄血染誇他蟬扇龍鬚簾僕本銷  
魂者嬾更向三弄琵琶點雪倚簾檻時節又近端陽碧  
蕪烟裏畫橈滿江光水犀零落錦帆荒酒酣腸夷劍  
莫漫聽梧宮唱賺臨風且繫鴻汀纜瞥墮只銀塘蟬猶  
弄番陽小樓未晚

水調歌頭

胥門舟次逢其  
年梨汾話舊

聚散偶然耳。泛若水中鳬。愛而不見。美人贈我。情語  
誰道鄂君舟上。復此泰娘橋側。二妙一時俱。今。三杯  
樂。擲帽唱。烏。鳥。燕臺事。陽羨約。總模糊。含情楚雨小  
詞聊以當。萱蘇公等。豈長貧賤。吾意在於丘壑。執手且  
踟躕。別後共明月。知有夢來無。

喜遷鶯

粵東石頭陀為其年寫照作散  
花天女圖次原韵奉題一闕

宓妃芝館。費八斗才華。填愁欲滿。何許琴聰。描成髯客。  
繞涿墨濤微濺。身在。鬢殊。香國夢醒。梨花秋苑。回眸處。  
有齊公小小。銖衣縫淺。酉陽雜俎云寶應寺天女  
像乃齊公伎小小寫真曼  
衍訝筆底。聽法獐龍。攝入鶯溪絹。三尺團蕉。數聲枯櫓。

借汝破除歌板。野店黃粱待熟。火宅青蓮任產。功成後。  
看英雄學佛。他年未晚。時其年將赴徵車

青門飲

咏高麗烟

白岳嵐濃綠江沙淨。無端孕出有情枝葉。雪正狂時。酒  
微醺後。何物繫人思切。一捻龍腰管。伴紅篝。由來心熱。  
錦囊輕裹。蠻韉小貯。檀唇親嚙。身豈炷香金鳥也。教  
似線篆痕蟠結。眉麴枕郎。醉漿椰子。風味較伊都劣。紫  
玉潛銷處。唾花園地衣成纈。爲伊半晌扶頭。倦眼欲擡  
還怯。

賀新涼

端陽前一日偶過樗亭值菡次洮侯漢度彥達雙白先後俱至小飲濠上分賦

濃綠深深徑。隔溪灣。語聲了了。赤闌誰凭。却是吳興攜

客友共適鶴情鷗性。塵尾畔茶烟風靜。閩客吳儂諧謔。  
亂倚微酣靡靡。皆堪聽。臣亦是狂而醒。水嬉撾鼓新。  
放競。正城隅畫船開宴。繡旗翻影。何似君家潭子上。冰  
雲詩腸偏冷。尋老袖過橋聞磬。預恐蒲輪催健者。逐諸  
公。袞袞登臺省。誰伴我釣魚艇。  
謂樗亭

又

寄題孫樗庵半瓢居  
本家黃山今僑居升

老去蘇門叟。好家山松團雲海。別來應久。署作竄公聊  
復爾。爲愛紅橋烟柳。遙對着茱萸灣口。此地多錢長鬣。  
賈盡珂義大。扁誇身手。圖史外君何有。巢棲更比壺  
中。瘦算無勞。江湖五石拍浮樽酒。天上匏瓜猶獨處。對  
酌瓢丘中。剖只贏得王筠詩。就歸日斜挑方竹杖問東

吳長橋魯攜否還載箇如船藕

又 菌次招集聽秋書  
量用坡公原韻

參佐三間屋喜過從碧塘閒對蟬吟鳬浴作客馬卿偏  
好客鱸出銅盤如玉更滿甕深醉初熟我類桓伊多感  
慨定風波怕聽龜年曲莫吹裂柯亭竹粉蛾低向樽  
前感濕青衫古來不但潯陽愁獨歷落崎嶇狂態在肯  
被酒拘詩束弦月掛松髯凝綠燭跋畱髡畱不住早奚  
童新睡屏風觸長嘯起樓鴉籟

晝夜樂 咏枕  
他

來禽青李都過也也值得王郎寫栢梁宮令嗟餘長盡  
蠟兄聲價宿雨纔乾鵬唱罷恰點綴翠陰朱夏穿樹粉

侯歸問金九誰打。莫釐舊約成虛話。總輸他灌園者。  
可憐渴甚臨邛。嬾賦上林如畫。豆綠罌中纖手剝。味絕  
勝楚萍交蔗。記起閉門人在橋邊花下。

又

作前調竟適包山翁心齋  
遠寄見惠再用原韻求

漫詞題就烏闌也。幾錯把琵琶寫。市來風帶儒酸浪指。  
黃金評價似橘。過淮拈復罷。但夢想小灣消夏何處荷。  
簑船乍烟屏輕打。殷勤銀鹿寒暄話。滿筠籠贈貽者。  
只須兩顆三枚。册葉漢陽堪畫。米齒瓊漿蘇肺疾欲起。  
舞賭持肝膽飽食待明年。到毛公壇下。

五綵結同心

午日嘉樹凌秋招集紫蓋山房  
帶三先生屬同茵次諸公賦

回颿過驛。弄水船忙。先生一笑掀髯。人世波瀾惡。非吾

事聊與捉塵而譚。靈均憔悴皆因醢。千年後。蘇冷蛟螭。  
君知否。離騷莫讀。只除痛飲差堪。小池數弓初漲。喜  
榴能潑火。藕解鋪奩。魚戲東西。雨來今舊。何況客少猜  
嫌。澡蘭詞寫蒲葵扇。續黃絹還索烏鹽。竟醉矣。逃禪吾  
愛五絲欲織。墨墨。是日為地臘齋期

滿江紅

是則為余作小隸未及半而忽聞奄遁詞以悼之

半束銀鉤。是亡友獲麟之筆。記燈前顧曲。悵焉如失。竹  
徑漸悲豬阮少。蘭亭不信彭殤一。訝赫蹏無恙墨花鮮。  
風蕭瑟。推髻侶。塵凝鏡。蓬頭子。芸消帙。但飢廳老屋。  
亂鴉斜日。小塚管城憐汝殉。舊圖戈法何人述。待嵩陽  
重寫攝龜碑呼之出。



繫裙腰

爽閣觀雨

欄杆俯壓萬家低。濃綠影，捲烟霏。分明思訓染鵲溪。添墨瀋，忽被做米元暉。吹來少女襲人衣。雲林處，鳥爭飛。琤琤屋瓦，濺珠璣。身恍在，楚天晚，看棋時。

一叢花

曹綠巖南園作

蕉青將放木蘭舟。斜日爲君留。迴廊轉角亭臺靜，倚闌處，人冷於秋。澄碧一泓，濃陰四面，撲漉起閒鷗。披袞還上竹間樓。茗椀話綢繆。先生自是陶弘景，白雲外，特贈何求。孫解誦詩，僅能釀酒，客號醉鄉侯。

南歌子

讀蘊次林蕙堂集戲題

柳柳州之後吳興定傳才人。領郡本神仙。何況拂衣

歸釣掘頭船。竹路聞歌去。楓橋磻酒眠。二分明月五湖烟。總被錦囊收拾上瀛牋。

南鄉子

水廟淖神醵。滿樹冬青正着花。日脚殷紅雲破墨。誰耶。若有人兮薜荔遮。青火小鈎斜。蛤鼓聲聲鬧暝沙。一葉衝州猶未泊。知他路隔盤塘第幾家。

醉高歌

禾中駱季開山司馬

相思蟹戶春城相見。鴛湖雨艇少年同學。薇花省歷歷。鞭絲帽影。君猶車騎逢迎。我已漁樵管領。蠶桑蝦菜。佳風景可許。頻過茗芋。

鬪百花

南湖廢圃

藤把欹樓扶住。雀被飢蛇銜去。當年馬燧名園。今日蘭  
成枯樹。凭遍船窗。無復錦襪凌波。但見綠簑呼渡。閒事  
消凝處。拍岸蒲萄。送盡年光如故。歌舞散後。蒼烟亂  
飛鷗鷺。吹笛何人。黃昏定有。髯蛟來共。老桑潛語。

石湖仙

金明寺范大夫祠

城隅槐柳。有臨水紅樓。畱此靈瓊。恍惚錦衣危坐。蘇臺  
歸時一舸。明妝何處。怎不見浣紗人過。無那。荆鈎。童繫  
纜吹火。楚詞欲少畱此靈瓊分淒涼渚蘋。誰薦。靄填填。承塵鼠  
墜。四合湖煙。地近越來溪左。白馬潮奔。黃金像。晷陽葵  
分。破涼雨大更深。舫舫掀簾。

少年遊

松陵夜發

州志詞卷之四

水煙和夢碧濛濛。颿轉月明中。一部鳴蛙，幾拳宿鷺，悄  
起看垂虹。人間不少吹簫客，那覓順陽公。疎影雖填，  
小紅難賺，飄泊信樵風。

瀟湘夜雨

五月廿三宿紺公梅隱庵  
題笠雲禪師是夕大雷雨

襤褸衝炎，桔槔揮汗，世緣總戀洪鑪。閒房吾喜，贊公俱  
茶響處，人如瘦竹。香冷後心似秋蕪。原相類，逃名客倦  
退院禪枯。碧雲咏罷，槐風綠吼，榆日紅晡。乍豐霽前  
導，玉女投壺，喧一片匡廬瀑布。傾萬斛，忉利真珠。龕燈  
下，師方入定，曾放鉢龍無。

晝夜樂

過健庵園亭食  
枇杷三疊前韻

扁舟又到吳閭也。豈絲竹能陶寫。臯橋酒昏鶯黃愁向

當壚論價城北徐君相見罷勝五岳追尋禽夏盧橘出  
雕盤更玉童氷扛少陵詩句分明話問何如錦城老

紫檀洲上開殘猶有蜜珠如畫味諫軒真差澁甚便老  
我此鄉名蕉集掌身從銜傍疎簾飛下

唐詞枇杷洲上紫檀開

感皇恩

閣元寺藏經閣

古檜火焚餘半株凝黛石髻雙浮自雲海雀離興廢誰  
紀亦烏年代蕭梁銘瘞處澆園菜瓦閣岩堦烟林暎  
帶鎖澁經函幾時驅辦香宮監鹵薄尚畱旗蓋畫龍金  
敕字蟲穿壞

又

瑞光寺

相望一牛鳴觚稜碧露風鐸琅璫隔烟語石牀塵淨乍

過曉來花雨。僧閒無箇事。軍持注。半卷金經。數聲粥鼓。洗盡吳船載歌舞。香臺物外。也要買山人住。南朝四百寺。今何許。

洞庭春色

健庵以閏三月三日建亭顏曰重襟爲題長調

雁齒盤階。鶯頭擎石。有亭翼然。儼仙臺小景。唐人金碧中流穩坐。春水樓船紅玉雕闌斜倚處。對海湧浮圖茂苑烟。分明勝勝垂虹岸。曲放鶴峯巔。標題恰宜重襟。只此事佳話。堪傳問江南。元已幾逢餘閏。山陰癸丑。何似今年。依舊踏青牆外路。又脩竹營啼欲暮。天誰爲記。記雙回蘭採。兩度裙漪。

夢橫塘

蜚吟

綠荷香裏白芷烟中。楚天將送涼雨，點破玻璃，更小似魚鷹如許。點水低穿，迎風斜立，釣絲垂處，隔殘陽一片。拾翠人歸，還飛上搔頭住。玲瓏翼剪蟬紗，記湘簾串斷曉院，曾賦綠幘顛狂。身莫是薄情郎，做且休把雕弓巧拂，作伴雙鴛。女兒浦買隻輕舟，喚他名字，看波心來去。

唐詩曉簾串  
斷蜻蛉翼

賀新涼

雙自川坡公韻作五憶詞蓋抹麗  
荔子珠蘭佛手橄欖也共和一闕

雪浪高於屋，截君家迢迢瘴海，金橫鐵浴，十載倦遊懷土意。夢想鬢花團玉，况烟際絳紗囊熟，不是移根從九畹也。玲瓏白遍關千曲，人醉矣，眠簫竹。鷺王掌印螺紋，感伴紅鹽甘回齒頰，擅塲誰獨。甚日歸裝，真過嶺，攔

載詩筒千束。榕影下、鬚眉皆綠。占盡人間香色味。勝尋  
仙星影。旌幢觸吟未了。涼颼簸。

念奴嬌

臺眺川其李  
迦陵詞韻

危闌靠處。又參差城闕。炊烟四起。揚僕屯營方點戍。靄  
角斜陽沸耳。公子鷹肩。書生燕領。骨相吾無是。吹笙伊  
洛仙乎。欲御風矣。否則課櫛栽桑。視雞呼鼠。魚養千  
頭。婢閒對枯杯。拋小劫。偷過人間甲子。錄事壺觴。叅軍  
絲管。絕意南州尉。擲書一笑。案螢何用乾死。

別瑤姬慢

爲羅揚女  
人悼亡

問訊蕃釐。豈瓊花耐得。徹夜風吹。玉鉤斜畔路。算古來  
斷送無限蛾眉。同心苴解。重命禽垂。總成惆悵。期把道。



書閒看梳頭處不是年時我亦是感夢微之似鶯啼  
頗慣葉路曾知蒼茫今數載任膽娘歌斷紅葉秋池因  
君索句惹我迴腸淚堪半志垂向影堂挑盞殘燈檢舊  
詩

擊梧桐

影桐

炎景如年遠西掖句題盡恁蕉難遣短榻剛移就訝何  
處楚雨湘雲拂散油幢一桁紗籠半壁人靜晶簾乍捲  
最愛彈琴石返照裏恰放孫枝遮徧蟬鬢青添鸚衣  
碧絃蠹葉玲瓏誰剪尙滯商飈信早漏出瑟瑟秋光千  
片曾傍雙株潛立美人來未憾隔牆吠犬到而今銀牀  
鋪月和夢篩亂

暗香

圖丁送芙蓉數莖因憶卅  
過吳門不及一芟荷蕩

二十九

采薺舊跡待放船醉取燹光妖魄懊惱傍人夢裏匆匆  
過烟驛多少鷗盟負了渾未認凌波標格但想像素鴨  
裙邊顯影蘸澄碧渾側喜乍摘似解語忽來慰我岑  
寂三房兩蕊周昉丹青少鷓鴣鈿架官窰貯好勝露冷  
紅衣狼籍二十四期近矣怕成暗擲

吳諺六月荷  
花二十四

長相思慢

贈別  
故將

醉尉詞來灞陵獵罷誰憐老不封侯歌殘驥櫪繡澁鶻  
刀葛疆何似并州夜上城樓又肉生髀裏米浙矛頭一  
戰續軍收記追奔雪滿兜鍪喜黃襦裝輕紫髯名在  
無恙馬稍風流拍張方被酒數癢痕時袒貂裘欲別難

留尋豫讓橋邊舊遊正秋宵如盤黑處隔江雨葉颼颼

集賢賓

送田髯淵董樗  
亭徵車入都

鶴書飛下延英殿親網珊瑚試看羣公入維躍馬齊驅  
題柱誰如京兆披帷况有江都出門正值涼飈發旗亭  
貰酒歌呼畫壁三人同調應少一人俱上林秋獮賦  
成無定給札擲觚此時凌雲激賞珍飲天厨對處名知  
艇鼠賜來硯是蟾蜍舊鷁行波池相見憑傳語莫憶鷗  
湖若問臯魚負土心已爨桐枯

時芳標以  
讀禮控辭